

四庫全書薈要·乾隆御覽本

集部

欽定四庫全書薈要

集部

文忠集卷五十七

五王



詳校官助教臣常循

文忠集卷五十五

宋歐陽修撰

外集第五

律詩一

漢宮

桂館神君去甘泉輦道平翠華飛蓋下豹尾屬車迎曉
露寒浮掌光風細轉旌廊回偏費步珮遠尚聞聲玉樹
人間老珊瑚海底生金波夜夜意偏照影娥清

送劉半千平陽簿

假道歸故里

嶺梅歸驛路迢迢越鳥巢傾木半喬松徑就荒聊應召
桂叢留隱定相招家庭噪鵠爭喧樹夜帳驚猿自擁條
何處秋風催客鬢青絲恐逐物華凋一作銷

樓頭

百尺樓頭萬疊山楚江南望隔晴烟雲藏白道天垂幕
簾捲黃昏月上弦桑落浦城催熟酒柳哀章陌感凋年
髮光如葆寧禁恨不待為郎已颯然

夕照

夕照留歌扇餘輝上桂叢霞光晴散錦雨氣晚成虹
燕下翻池草烏驚傍井桐無慘照湘水丹色映秋風

送張學士知郢州

漢郎清曉赤墀趨楚老西來望隼旂侍史護衣薰蕙草
輶轤要劍從驪駒陽春繞雪歌低扇油幕連雲水泛渠
千里修門對涔浦好尋遺玦弔三間

曉詠

簾外星辰逐斗移紫河聲轉下雲西九雛鳥起城將曙
百尺樓高月易低露裏蘭苔惟有淚秋荒桃李不成蹊
西堂吟思無人助草滿池塘夢自迷

禁火

火禁開何晚春芳半已凋柳風兼絮墜榆雨帶錢飄淚
翦蘭膏盡弦虧桂魄消祓蘭流水曲游禊一相招

送趙山人歸舊山

屈賈江山思不休霜飛翠葆忽驚秋吟拋楚畹蘭苔老

歸有淮山桂樹留。晤耳春池蛙。兩部比封秋。塢橘千頭噴。
條怒穎真堪愧。莫染衣塵更遠遊。

閒居即事

巷有容車陋門無載酒。過池喧蛙怒雨客去雀驚羅握臂如枝骨。哀絃繫擊一作擊。節歌無憀。漳浦卧還似詠中阿。

傷春

蕙蘭蹊徑失芳期。風雨春深怯減衣。卷箔高樓驚燕入。揮絃遠目送鴻歸。蜂催釀蜜愁花盡。絮撲暄條妬雪飛。

欲識傷春多少恨試量衣帶忖要圍

公子

黃山開苑獵初回絳樹分行舞遞來下馬春場雞鬪距
鳴絃初日雉驚媒犀投博齒呼成白橋隔車音聽似雷
不問春蠶眠未起更尋桑陌到秦臺

夜意

蕙炷爐薰斷蘭膏燭艷煎夜風多起籟曉月漸虧弦鵠
去星低漢烏啼樹暝烟惟應牆外柳三起復三眠

寄張至祕校

關山一里一重愁念遠傷離雨未休南陌望窮雲似帳
西樓吟斷月如鉤柳綿飛後一作處春應減蘭徑荒時客
倦游擬寄東流問溝水亦應溝水更東流

寄徐翼秀才

瑤花飛雪蕩離愁鶫鷺驚風下綠疇雎苑樹荒誰共客
楚江楓老獨悲秋千重錦浪飛如箭萬疊春山翠入樓
章陌柳條今在否定臨溝水拂東流

寄劉昉秀才

絲路紫回細入雲離懷南陌草初薰茂林脩竹誰同禊
明月春蘿定勒文燕憶銅鞮來不定鴻歸碣石信難分
東風鶯友應相望懊惱孤飛不及羣

送客回馬上作

南浦空波綠西陂夕照寒瑤華傷遠道芳草送歸鞍翠
欵遙山疊氣收古澤寬衰容畏秋色不及楚楓丹

西征道中送陳舅秀才北歸

某墅風流謝舅賢。羨光如葆惜窮年。人隨黃鵠飛千里。
酒滿樓。鳥送一絃望。驛早梅迎遠使。拂鞍哀柳拗歸鞭。
越禽胡馬相逢地。南北思歸各黯然。

送目

送目衡一作衡 皐望不休江蘋高下遍汀洲。長堤柳曲妨
回首。小苑花深礙倚樓。楚徑蕙風消病渴。洛城花雪蕩
春愁。流杯三日佳期過。擲度蘭波負勝遊。

春曉

小閣回殘夢，開簾轉曉暉。
露寒風不定，花落鳥驚飛。

渴偏思柘

一作蔗楚。詞漢志作柘。晉書杜詩作蔗。

病減衣無錢，將謝

雪持底送春歸。

劉秀才宅對奕

昉

烏巷招邀謝墅中，紫囊香珮更臨風。
塵驚野烽一作火遙知獵目送雲羅，但聽鴻六着比犀鳴。
博勝百嬌柘矢捧壺空解衣，對子歡何極。
玉井移陰下翠桐。

送李寔

幾幅歸帆不暫停吳天遙望斗牛橫香薰翠被乘青翰
波暖屏風詠紫莖江水自隨潮上下月輪間與蚌虧盈
河橋折柳傷離後更作南雲萬里行

早夏鄭工部園池

夜雨殘芳盡朝暉宿霧收蘭香纔馥徑柳暗欲翻溝夏
木繁堪結春蹊一作畦翠已稠披襟楚風快伏檻更臨流

舟中寄劉昉秀才

東南天濶漾歸流西北雲高斷寸眸明月隨人來遠浦

青山答鼓送行舟歸心逐夢成魚鳥夜漢看星識斗牛

釀一作醸酒開樽誰共醉清江聊且玩游條

一作
僚游

月夕

月氣初升海屏光半隱扉寒消覺春盡漏永送籌稀蘭燭風驚爐烟簾霧濕衣清羸急賓帶頽減故時圍

奉送叔父都官知永州

虎頭盤綬貴垂紳青組名郎領郡頻畫鷁千艘隨下瀨聽雞五鼓送行人楚波漾楫萍如日淮月開船蚌有津

千里壺漿民詠溢檣烏旗隼下汀頻

柳

綠樹低昂不自持河橋風雨弄春絲殘黃淺約眉雙歛
欲舞先誇手小垂快馬折鞭催遠道落梅橫笛共餘悲
長亭送客兼迎雨費盡春條贈別離

舟中望京邑

東北歸川決決流汎艎青渚暫夷猶遙登灞岸空回首
不見長安但舉頭揮手嵇琴空墮睫開樽魯酒不忘憂

青門柳色春應遍猶自留連杜若洲

小園

桂樹鴛鴦起蘭苔翡翠翔風高絲引絮雨罷葉生光蝶
粉花露紫蜂茸露濕黃愁醒與消渴容易為春傷

即目

李徑陰森接翠疇押簾風日澹清秋晚鳥藏柳樓殘照
遠燕傷風失故樓星漢經年雖可望雲波千疊不減愁
平居革帶頻移孔誰問無憫沈隱侯

南征道中寄相送者

楚天風雪犯征裘誤拂京塵事遠遊謝墅人歸應作詠
灞陵岸遠尚回頭雲含江樹看迷所目逐歸鴻送不休
欲借高樓望西北亦應西北有高樓

楚澤

宿莽湘累怨幽蘭楚俗謠紫屏空自老翠被豈能招欲
就蒼梧訴愁迷澧浦遙哀猿羌畫晦悲鳩衆芳凋紅壁
丹砂板瓊鈎翡翠翹如何塞香杜一作杜若江上獨無憫

題金山寺

地接龍宮漲浪賒
鷺峯本絕倚
雲斜嵒披宿霧
三竿日路引迷人
四照花海國
盜牙爭起塔
河童施鉢但驚沙
春蘿攀倚難成去
山谷疎鍾落暮霞

送寶秀才

晴原高下細如鱗
樹轉城回路欲分
望月西樓人共遠
躍鞍南陌草初薰
短亭山翠偏多疊
送目鴻驚不及羣
一驛賦成應援筆
好憑飛翼寄歸雲

旅思

調苦歌非樂，歧多淚始零。
羞彈長鋏劍，終戀五侯鰣。
陌草薰沙綠，江楓照岸青。
南陔動歸思，蘭葉向春馨。

仙意

孤桐百尺拂非烟，鳳去鸞歸夜悄然。
滄海風高愁燕遠，扶桑春老記蠶眠。
槎流千里纔成曲，桂魄經旬始下弦。
獨有金人寄遺恨，曉盤雲淚冷涓涓。

聞朱祠部罷潯州歸闕

漢柱題名墨未乾
南州坐布政條寬
嶺雲路隔梅欹驛
使駟秋歸柳拂鞍
建禮侵晨趨冉冉
明光賜對佩珊瑚
潁川此召行聞拜冠頸凝塵俟一彈

勑征

沈約傷春思嵇含倦久游帆歸黃鶴一作葦浦人滯白蘋

洲乳燕差池遠江禽格磔浮物華真可玩黑鬚恐逢秋

鄭駕部射圃

夢草西堂射圃連蘭苔初日露華鮮暈含畫的弦開月

牙筭行籌酒滿船鏤管思催吟韻劇妓簾陰薄舞衣翩
當筵獨愧探牛炙儉府芙蓉客盡賢

甘露寺

雲樹千尋隔翠微給園金地敞仁祠講花飄雨諸天近
春漏欹蓮白日遲引鉢當空時取露殘灰經刦自成池
危欄徙倚吟忘下九子鈴寒塔影移

送友人南下

河橋別柳減春條隔浦琴音聽已遙千里羨尊誇敵醲

滿池流稻欲鳴蜩東風楚岸神靈雨殘月吳波上下潮

如弔湘累寡香

一作杜

若秋江斜日駐蘭橈

高樓

六曲雕欄百尺樓簾波不定瓦如流浮雲已映樓西北
更向雲西待月鈎

榴花

絮亂絲繁不自持蜂黃蝶紫燕參差榴花最恨來時晚

惆悵春期獨後期

宿雲夢館

北鴈來時歲欲昏私書歸夢杳難分井桐葉落池荷盡

一夜西牕雨不聞

鶗鴂

一作鳩

花殘如霰落紛紛紫陌空遺翠幙塵鶗鴂枉緣催節物
年華不信有傷春

簾

銀蒜釣簾完地垂桂叢鳥起上朝暉枉將玳瑁雕為押

遮掩春堂礙燕歸

行雲

疊疊烟波隔夢思離愁幾日減腰圍行雲自亦傷無定
莫就行雲託信歸

琵琶亭上作

九江烟水一登臨風月清含古恨深濕盡青衫司馬淚
琵琶還似雍門琴

柳

雨濶堤長走畫轅。絮兼梨雪墜春烟。東風苑外千絲老。
猶伴吳蠶盡日眠。

井桐

簷欹碧瓦拂傾梧。玉井聲高轉轆轤。腸斷西樓驚穩夢。
半留殘月照啼鳥。

雪中寄友人

楚岸梅香半入衣。凍雲銀鑠曉光飛。遙應便面逢人處。
走馬章街失路歸。

與謝三學士
絳唱和八首

和國庠勸講之什

春盡沂風暖
芹生泮水清
雙旌榮照路
博帶儼盈庭
丈師臨席鱗
金璧有經諸
生拜玉王一作泰
衆欣識象丘

和遊午橋莊

曉壇初畢祀
弭蓋共尋幽
鳥哢林中出
泉聲冰下流
攀條驚雪盡
翻袂愛風柔
好駐城南馬春一作秦
桑徧陌頭

和龍門曉望

水霧濛濛曉望平悠然驅馬獨吟行煙嵐明滅川霞上

凌亂空山百鳥驚

除夜偶成拜上學士三丈

萬瓦青烟夕靄生斗杓迎歲轉東城隋宮守夜沈香燎
楚俗驅神爆竹聲玉樹羅階家宴盛羽觴稱壽綠衣榮
九門朝客思公甚向曉天風舞雪霽

陪飲上林院後亭見櫻桃花悉已披謝因成七

言四韻

尋芳長恨見花遲。豈意看花獨後期。試藉落英聊共醉。
為憐殘萼更攀枝。清香肯以無人減。幽艷惟應有蝶知。
開謝兩堪成悵望。傷春不到柳絲時。

昨日偶陪後騎同適近郊謹成七言四韻兼呈

聖俞

堤柳纔黃已落梅。尋芳弭蓋共徘徊。桑城日暖蠶催浴。
麥隴風和雉應媒。別浦人嬉遺翠羽。弋林春廢鏞歌臺。
歸鞍暮逼宮街鼓。府吏應驚便面回。

和八月十五日齋宮對月

皓月三川靜晴氣萬里銷靈光望日滿寒色入波搖瀾
氣成山霧浮雲散壠苗廟荒陰燐出苑廢露螢飄齋館
心方寂秋城夜已遙清談對元亮瓊彩映蕭蕭

送學士三丈

一作送謝
學士歸閩

供帳洛城邊

三字一作
拂雲煙

征轅

一作
鞍

去莫攀人醒風外酒

馬度雪中關故

一作
舊

府誰同在新年獨未還遙應行路

者偏識綵衣班

已上八篇居士集上載後一篇其不同者五字題云送謝希深今本皆作送王學士希深三訛為王耳

文忠集卷五十五

文忠集卷五十六

宋歐陽修撰

外集第六

律詩二

雙桂樓

嘉樹叢生秀茲樓層漢傍飛甍臨萬井伏檻出垂楊
幕晴雲度披襟夕籟涼山河瞻帝里風月坐胡牀愛客
東阿宴清歡北海觴淮南多雅詠歲晚翫幽芳

題張應之縣齋

小官歎簿領夫子卧高齋五斗未能去一丘真所懷綠

苔一作
藓

長秋雨黃葉堆空階縣古仍無柳池清尚有蛙

琴觴開月幌窓戶對雲崖嵩少亦堪老行當與子

一作
子與

偕

和梅聖俞杏花

誰道梅花早殘年豈是春何如艷風日獨自占芳辰

錢相中伏日池亭宴會分韻

樽俎逢佳節簪纓奉宴居林光拂衣冷雲影入池虛酒色風前綠蓮香水上疎飛談交玉塵聽曲躍文魚粉籜春苞解紅榴夏實初睢園多美物能賦謝相如

送辛判官

被薦方趨召還鄉仍綵衣看山向家近上路逐鴻飛結綬同為客登高獨送歸都門足行者莫訝柳條稀

叢翠亭

柳色滿重城嵒嵒出翠臺春雲依檻暖夕照落山明走

馬章街曉飜鴻洛浦晴清樽但留客桴鼓晝無驚

賀九龍廟祈雪有應

真宰調神化幽靈應不言朝雲九淵闇暮霰六花繁朔
吹紫歸旆賓裾載後軒睢園有客賦郢曲幾人翻槐座
方虛位鋒車佞性改轍願移盈尺瑞為雨徧羣元

早春南征寄洛中諸友

楚色窮千里行人何苦賒芳林逢旅鴈候館噪山鷗春
入河邊草花開水上槎東風一樽酒新歲獨思家

花山寒食

客路逢寒食花山不見花歸心隨北鴈先向洛陽家

寒食值雨

禁火仍風雨客心愁復悽陰雲花更重春日水平隄

一作
作

還西油壁逢南陌鞦韆出綠蹊尋芳無厭遠自有錦障泥

寄謝晏尚書二絕

送盡殘春始到家主人愛客不須嗟紅泥煮酒嘗青杏
猶向臨流藉落花

爛漫殘芳不可收歸來惆悵失春遊綠陰深處聞啼鳥
猶得追閒果下騎

留守相公移鎮漢東

周郊徹楚坰舊相擁新旌路識青山在人今白首行相
舊有方
城題句問農穿稻野候節見梅英腰組人稀識偏應邸

吏驚

寄聖俞

平沙漫去聲飛雪行旅斷浮橋坐覺山波阻空嗟音信遙

窮陰變寒律急節慘驚飈野霧雲猶積河長冰未銷山
陽人半在洛社客無聊寄問陶彭澤籃輿誰見邀

柴舍人金霞閣

簷前洛陽道下聽走轅聲樹蔭春城綠山明雪野晴雲
藏天外闕日落柳間營緩步應多樂壺歌詠太平

送王公慥判官

久客倦京國言歸歲已冬獨過伊水渡猶聽洛城鐘山
色經寒綠雲陰入暮重臘梅孤館路疲馬有誰逢

伊川獨遊

綠樹遶伊川人行亂石間寒雲依晚日白鳥向青山路
轉香林出僧歸野渡間巖阿誰可訪興盡復空還

遊彭城公白蓮莊

謝墅多幽賞華軒曾共尋人間聊載酒臺迥獨披襟水
落波光淡城當山氣陰惟餘桃李樹日覺翠蹊深

普明院避暑

選勝避炎鬱林泉清可佳拂琴驚水鳥代塵折山花就

簡刻筠粉浮甌烹露芽歸鞍微帶雨不惜角巾斜

送高君先輩還家

間居寂寞面重城過我時欣倒屣迎入洛機雲推俊譽
遊梁枚馬得英聲風晴秀野春光變梅發家林鳥哢輕
祇待登高成麗賦漢庭推轂有公卿

憶龍門

楚客有歸心因聲道故岑依依動春色藹藹望香林山
日巖邊下溪雲水上露遙知懷洛社應復動鄉吟

贈梅聖俞

時聞敗舉

黃鵠刷金衣自言能遠飛擇侷異棲息終年修羽儀朝
下玉池飲暮宿霜桐枝徘徊且垂翼會有秋風時

郡人獻花

蝶遶蜂遊露滿盤芳條可惜折來殘我緣多病經春卧
砌下花開不暇看

龍門泛舟晚向香山

暫解塵中紱來尋物外遊寧蘭流水曲弄桂倚山幽波

影巖前綠灘聲石上流忘機下鷗鳥至樂既游僊梵響
雲間出殘陽樹杪收溪窮興不盡繫榜且淹留

荷葉

與梅二
分題

採綴本芳陂移根向玉池晴香滋白露翠色弄清漪雨
歇涼飈起烟明夕照移如何江上思偏動越人悲

早赴府學釋奠

羽籥興東序春秋紀上丁行祠漢丞相學禮魯諸生俎
豆兼三代樽罍奠兩楹霧中槐市暗日出杏壇明昔齒

公卿胄嘗聞絃誦聲何須向闕里首善本西京

和晏尚書夏日偶至郊亭

關關啼鳥樹交陰雨過西城野色侵避暑誰能陪劇飲
清歌自可消煩襟稻光欲秀蟬初嚙菱蔓初長水正深
知有江湖杳然意扁舟應許共追尋

和晏尚書自嘲

未歸歸即秉鴻鈞偷醉闌亭醉幾春與物有情寧易得
莫嗔花解久留人

題薦嚴院

那堪多難百憂攻三十衰容一病翁却把西都看花眼
斷腸來此哭東風

寄題嵩巫亭

平地煙霄向此分繡楣丹檻照清芬一作汾風簾暮捲秋
空碧剝見西山數嶺雲

題淨慧大師禪齋

景德寺

普光院

巾屨諸方遍苦苔一室前萎花吟次處一作處落孤月定中

圓齋鉢都人施談機海外傳時應暮鐘響來度禁城煙

琵琶亭

樂天曾謫此江邊已嘆天涯涕泣然今日始知予罪大
夷陵此去更三千

初至虎牙灘見江山類龍門

曉鼓潭潭客夢驚虎牙灘上作船行山形酷似龍門秀
江色不如伊水清平日兩京人少壯今年三峽歲峥嵘
卧聞乳石淙流響疑是香林八節聲

題張損之學士蘭皋亭

磧岸接芳蹊琴觴此自怡林花朝落砌山月夜臨池雨
積蛙鳴亂春歸鳥哢移惟應乘興客不待主人知

霧後看雪走筆呈元珍判官二首

江上寒山祇對門野一作山 花巖草共嶙峋獨吟羣玉峯
前景間憶紅蓮幕下人

嘉景無人把酒看一作尊 縣樓終日獨凭欄山城歲暮驚

時節已作春風料峭寒

送致政朱郎中

平生不省問田園白首忘懷道更尊已上印書辭北闕
稍留冠蓋餞東門馮唐老有為郎戀疏廣終無任子恩
今日榮歸人所羨兩兒腰綬擁高軒

留題安州朱氏草堂

俯檻臨流蕙徑深平泉花木繞陰森蛙鳴鼓吹春喧耳
草暖池塘夢費吟賭墅乞甥賓對奕驚鴻送目手揮琴
嗟予遠捧從軍檄不得披裘五月尋

題光化張氏園亭

君家花幾種來自洛之濱惟我曾遊洛看花若故人芳
菲不改色開落幾經春陶令來常醉山公到最頻曲池
涵草樹啼鳥悅松筠相德今方賴思歸未有因

和聖俞百花洲二首

野岸溪幾曲一作沿 松蹊穿翠陰不知芳渚遠但愛綠荷

深

荷深水風潤雨過清香發暮角起城頭歸橈帶明月

魚

秋水澄清見髮毛錦鱗行處慢
一作水紋搖岸邊人影驚
還去時向綠荷深處跳

月

天高月影浸長江江闊風微水面涼天水相連為一色
更無纖靄隔清光

根子

嘉樹團團俯可攀壓枝秋實漸斓斑朱欄碧瓦清霜曉

繁星綠葉間

初冬歸襄城敝居

日落原野晦天寒
市間牛羊遠
陂去鳥雀空
簷間過高植藜杖曠目瞻前山
隴麥風際綠
霜鴟村外還未黍
日已熟杯酒聊開顏
酣歌歲云暮
寂寞向柴闥

和晏尚書對雪招飲

瑤林瓊樹影交加
誰伴山翁醉帽斜
自把金船浮白蟻
應須紅粉唱梅花

滑州歸鴈亭

長河終歲足悲風亭古臺荒半倚空惟有鴈歸時最早

柳含微綠杏粘紅

送黃通之鄖鄉

君子貴從俗小官能養賢無慚折腰吏勉食落頭鮮均
相尚食腐魚故人傳為落頭鮮因有亨之理窮當志益堅惟宜少近禍親髮况皤然

秋日與諸君馬頭山登高

晴原霜後若榴紅佳節登臨興未窮日泛花光搖露際
酒浮山色入樽中金壺恣灑毫端墨玉塵交揮席上風
惟有淵明偏好飲籃輿酌酌一哀翁

送楊君歸漢上

我昔謫窮縣相逢清漢陰拂塵時解褐置酒屢橫琴介
節溫如玉嘉辭擲若金趣當鄉士薦無滯計車音

後潭遊船見岸上看者有感

河朔之俗不知嬉遊大名與真定以三月

十八日為行樂

之日其俗頗盛

喧喧誰暇聽歌謳浪遶春潭逐綠舟爭得心如汝無事
明年今日更來遊

春日獨居

衆喧爭去逐春遊獨靜誰知味最優雨霽日長花爛漫
春深睡美夢飄浮常憂任重才難了偶得身間樂暫偷
因此益知為郡趣乞州仍擬乞山州

得滕岳陽書大誇湖山之美郡署懷疑物甚野其
意有戀著之趣作詩一百四十言為寄且警激

之

峭嶽孤城倚平湖遠浪來萬尋迷島嶼百仞起樓臺太
守凭軒處羣賓奉笏陪清霜薦丹橘積雨過黃梅逸思
歌湘曲遺文繼楚材魚食河岫樂雲忘帝鄉回遙信雙
鴻下新緘尺素裁因聞誇野景一作境自笑擁邊埃龍漠
方多孽旌頭久示災旌旗時映日鼙鼓或驚雷有志皆
嘗膽何人可鑿坏儒生半投筆牧豎亦輸財沮澤辭猶
慢蒲萄館未開支離莫攘臂天子正求才

幽谷種花洗山

洗出峯巒看臘雪裁成花木趁新年史君功行今將滿
誰肯同來作地仙

鷺鷺

激石灘聲如戰鼓翻天浪色似銀山灘驚浪打風兼雨
獨立亭亭意愈閒

贈歌者

病客多年掩綠樽今宵為爾一顏醺可憐玉樹庭花後

又向江都月下聞

初春

新年變物華春意日堪嘉
霑色初含柳餘寒尚勒花風
絲飛蕩漾林鳥哢交加獨有無悰者誰知老可嗟

送田處士

秦士多豪俠夫君久遁名青山對高卧白首喜論兵氣
古時難合詩精清一作清格入評公車不久召歸袖夕風生

行次壽州寄內

紫金山下水長流嘗記當年此共遊今夜南風吹客夢

清淮明月照孤舟

答呂太博賞雙蓮

年來因病不飲酒老去無悰懶作詩我已負花常自愧
君須屢醉及芳時漢宮姊妹爭新寵湘浦皇英望所思
天下從來無定色况將鉛黛比天姿

酬孫延伸龍圖

洛社當年盛莫加洛陽耆老至今誇

梅聖俞張堯夫張子野延伸龍與予皆

在洛
中

死生零落餘無幾齒髮衰殘各可嗟北庫酒醪君

舊物

延仲前
守汝陰

西湖烟水我如家已將二美交相勝仍枉

新篇麗彩霞

常州張卿養素堂

江左衣冠世有名幾人今復振家聲朝廷獨立清冰節
閭里歸來白首卿志在言談猶慷慨身閒耳目益聰明
長松野水誰為伴顧我堪羞戀寵榮

西湖泛舟呈運使學士張校

波光柳色碧溟濛曲渚斜橋畫舸通更遠更佳唯恐盡
漸深漸密似無窮綺羅香裏留佳客絃管聲來颺晚風
半醉迴一作還舟迷向背樓臺高下夕陽中

去思堂會飲得春字

甲午四月頴州
張唐公座上

世事紛然百態新西岡一醉十三春自慚白髮隨年少
猶把金鐘勸主人黃鳥亂飛深夏木紅榴初發艷清晨
佳時易失閒難得有酒重來莫厭頻

太傅相公入陪大祀以疾不行聖恩優賢詔書俞

允發於感遇紀以嘉篇小子不揆輒亦課成拙惡

詩一首

驛騎頻來急詔隨都人相與竊嗟咨自非峻節終無改
安得清衷久益思前席蓋將求讜議在庭非為乏陪祠
尊賢優老朝家美他日安車召未遲

寄子春發運待制

廣陵花月嘗同醉睢苑風霜暫破顏但喜交情久彌重
休嗟人事老多艱壯心未忍悲華髮強飲猶能倒玉山

留滯江一作湖應不久多為春酒待君還

答許發運見寄

許詩云芍藥瓊花應有恨維揚新什獨無名

瓊花芍藥世無倫偶不題詩便怨人曾向無雙亭下醉
自知不負廣陵春

贈廬山僧居訥

方瞳如水衲披肩邂逅相逢為洒然五百僧中得一士
始知林下有遺賢

過塞二首

一首已見居士集

身驅漢馬踏胡霜每嘆勞生祗自傷氣候愈寒人愈北
不如征鴈解隨陽

晏元獻公挽辭三首

接物襟懷曠推賢品藻精謀猷存二府臺閣徧諸生帝
念宮臣舊恩隆袞服榮春風綠野迥干兩送銘旌

四鎮名藩忽十春歸來白首兩朝臣上心方喜親耆德
物論猶期秉國鈞退食圖書盈一室開樽談笑列嘉賓
昔人風采今人少慟哭何由贖以身

富貴優游五十年始終明哲保身全一時聞望朝廷重
餘事文章海外傳舊館池臺間水石悲笳風日慘山川
解官制服門生禮慙負君恩隔九泉

酬滑州公儀龍圖見寄

畫舫齋前舊菊叢十年開落任秋風知君為我留紅旆
猶記裁花白髮翁

文忠集卷五十六

文忠集卷五十七

宋歐陽修撰

外集第七

律詩三

贈王介甫

翰林風月三千首
吏部文章二百年
老去自憐心尚在
後來誰與子爭先
朱門歌舞爭新態
綠綺塵埃試拂絃
常恨聞名不相識
相逢樽酒盍留連

蘇才翁挽詩二首

握手接歡言相知二十年文章家世事名譽弟兄賢可惜英魂掩惟餘醉墨傳秋風哀柳岸撫柩送歸船

雄心壯志兩崢嶸誰謂中年志不成零落篇章為世寶平生風義見交情青松月下泉臺路白草原頭薤露聲自古英豪皆若此哭君徒有淚沾纓

送石揚休還蜀

長愛謫仙誇蜀道送君西望重吟哦路高黃鵠飛不到

花發杜鵑啼更多清禁寒生鳳池水繡衣榮照錦江波
昔年同舍青衿子夾道歡迎鬢已皤

和景仁試明經大義多不通有感

庠序制猶闕鄉間教不行古於經學政今也藝虛名來
者益可鄙待之因愈輕無徒誚其陋講勸在公卿

和公儀試進士終場有作

朝家意在取遺才樂育推仁亦至哉本欲勵賢敦古學
可嗟趨利競朋來昔人自重身難進薄俗多端路久開

何異鱸鯈爭尺水巨魚先已化風雷

久在病告近方赴直偶成拙詩二首

經時移病久端居玉署新秋獨直廬夜靜樓臺落銀漢
人間鈴索少文書江湖未去年華晚燈火微涼暑雨初
敢向聖朝辭寵祿多慙禁籞閹一作養慵疎

清晨下直大明宮馳馬悠然宿露中金闕雲開滄海日
天街雨後綠槐風歲華忽忽雙流矢鬢髮蕭蕭一病翁
名在玉堂歸未得西山畫閣興何窮

送潤州通判屯田

船頭初轉兩旗開清曉津亭疊鼓催自古江山最佳處
况君談笑有餘才雲愁海闊驚濤漲木落霜清畫角哀
善政已成多雅思寄詩宜逐驛筒來

和劉原甫平山堂見寄

督府繁華久已闌至今形勝可躋攀山橫天地蒼茫外
花發池臺草莽間萬井笙歌遺俗在一樽風月屬君閒
遙知為我留真賞恨不相隨暫解顏

送張吉老赴浙憲

吳越東南富百城，路人應羨繡一作錦衣。榮昔時結客，曾

遊處今見焚香夾道迎。治世用刑期止殺，仁心聽獄務求生。時豐訟息多餘暇，無惜新篇屢寄聲。

春日詞五首

宮壇青陌賽牛回玉琯一作管東風逗曉來不待。嶺梅傳

遠信剪刀先放綠花開。

試粉東牕待曉迴共尋春柳傍香臺不驚樹裏禽初變。

共喜釵頭鶯已來

紅霧初開上曉霞
共驚風色變
年華香車遙認春雷響
庭雪先開玉樹花

玉琯吹灰夜色殘
雞鳴紅日上仙盤
初驚百舌綿蠻語
已覺東風料峭寒

待曉銅荷剪蠟煤
繡簾春色犯寒來
畫眉不待張京兆
自有新粧試落梅

走筆答原甫提刑學士

慶曆五年

詳見卷末

歲暮山城喜少留西亭尚欲挽行輶一樽莫惜臨岐別
十載相逢各自頭

酬淨照大師說

佛說吾不學勞師忽款闕吾方仁義急君且水雲間意
淡宜松鶴詩清叩珮環林泉苟有趣何必市蜃間

和劉原父從幸後苑觀稻呈講筵諸公

禁籞皇居接香畦鏗檻邊分渠自靈沼種稻滿澆田六
穀名居首三農政所先擢莖蒙德茂養實以時堅曉謁

龍墀罷行瞻鳳蓋翩粹容知一作和喜色嘉瑞奏豐年哀

和

病慙經學陪遊與俊賢安知帝力及但樂歲功全拜賜

秋風裏分行黼座前自憐臺笠叟來綴侍臣篇

送薛水部通判并州

胸懷磊落逢知已氣畧縱橫負壯心玉塵生風賓滿坐
金鱗照甲士如林牛羊日暖山田美雨雪春寒土屋深
自古幽并重豪俠祗應行樂費黃金

鶴

樊籠毛羽日低推野水長松眼暫開萬里秋風天外意
日斜間啄岸邊苔

鴈

來時沙磧已冰霜飛過江南木葉黃水闊天低雲暗澹
朔風吹起自成行

鶲

依倚秋風氣象豪似欺黃雀在蓬蒿不知羽翼青冥上
腐鼠相隨勢亦高

原甫致齋集禧余亦攝事後廟謹呈拙句兼簡聖俞

受命分行攝上公紫微人在玉華宮樓臺碧瓦輝雲日
蓮芝清香帶水風每接少年嗟老病尚能聯句愴詩翁

凌

一作臨

晨已事追佳賞綠李甘瓜興未窮

同年祕書丞陳動之挽詞二首

場屋當年氣最雄交游樽酒弟兄同文章落筆傳都下
議論生鋒服座中自古聖賢誰猶一作不死况君門戶有

清風凋零三十年朋舊在者多為白髮翁

富貴聲名豈足論
死生榮辱等埃塵
青衫照日誇春牋
白首餘年哭故人
盛德不忘存誌刻
話言能記有朋親
吳江草木春風動
憑酒誰瞻瓊樹新

奉和劉舍人初雪

夜雪填空曉更飄
龍墀風冷珮聲高
瓊花落處繁仙仗
玉殿光中認赭袍
下直笑談多樂事
平時樽酒屬吾曹
羨君年少才無敵
顧我雖衰飲尚豪

暮春書事呈四舍人

樹陰初合苔生葦花葉新成蜜滿脾鶯燕各歸巢哺子
蛙魚共樂雨添池少年春物今如此老病衰翁了不
飽食杜門何所事日長偏與睡相宜

荷葉

池面風來波漱漱波間露下葉田田誰於水上張青蓋
罩却紅粧唱採蓮

小池

深院無人鑠曲池莓苔繞岸雨生衣綠萍合處蜻蜓立

紅蓼開時蝶飛

釣者

風牽釣線長竿短笠輕蓑細草間春雨濛濛看不見
一作足水烟埋却面前山

霜

一夜新霜著瓦輕芭蕉心折敗荷傾奈寒惟有東籬菊
金蕊繁開曉更清

牛

日出東籬黃雀驚
雪消春動草芽生
土坡平慢陂田潤

橫載兒童帶犢行

送劉虛白二首

祕訣誰傳妙若神
能將題品徧朝紳
因言禍福兼忠孝
吾愛君平善誨人

我嗟韁鎖若牽拘
久羨南山去結廬
自顧豈勞君借譽
偶然章服裏猿狙

劉丞相挽詞二首

南國鄰鄉邑東都並僞遊賜袍聯唱第命相見封侯念
昔趨黃閣相看笑白頭盛衰同俯仰旌旄送山丘

連章相府辭榮寵擁旆名都出鎮臨年少已推能宰社
鄉人終不見揮金長蛟息浪歸帆穩喬木生烟蔽日深
平昔家庭敦友愛可憐松檣亦連陰

寄大名程資政琳

龍門長恨晚方登便以忘年接後生談劇每容陪玉麈
飲豪常憶困金觥冰開御水春應綠雲破淮天月自明

醉倒離筵聽別曲醒來猶尚記餘聲

東齋對雪有懷

東齋坐客飲方豪誰報風簾雪已飄貪聽樽前歌裏裏
不聞牕外響蕭蕭已憐殘臘催梅蕊更約新春探柳條
共憶瀛洲人獨直神仙清景正寥寥

雪後玉堂夜直

雪壓宮牆鑠禁城沈沈樓殿景尤清玉堂影亂燈交晃
銀闕光寒夜自明塵暗圖書愁獨直人間鈴索久無聲

鑾坡地峻誰能到莫惜官壺酒屢傾

官舍假日書懷奉呈子華內翰長文原甫景仁舍

人聖俞博士

鎖印春風雪入簾天寒鳥雀聚空簷青幡受歲兒童喜
白髮催人老病添艷舞回腰飛玉盞清吟擁鼻對冰蟾
相從一笑兩莫得簿領區區嘆米鹽

酬王君玉中秋席上待月值雨

池上雖然無皓魄樽前殊未減清歡綠醅自有寒中力

紅粉尤宜燭下看羅綺塵隨歌扇動管絃聲雜雨荷乾
客舟閒卧王夫子詩陣教誰主將壇

中秋不見月問客

試問玉蟾寒皎皎何如銀燭亂熒熒不知桂魄今何在
應在吾家紫石屏

張仲通示墨竹嗣以嘉一作佳篇豈勝欽玩聊以四

韻仰酬厚貺

數竿蒼翠寫生綃寄我公齋伴寂寥不待雪霜常長一作

凜凜雖無風雨自蕭蕭嗟予心志俱憔悴羨子文章騁
一作足富饒嗣以嘉一作佳篇誠厚貺遠慚為報乏瓊瑤

奉寄襄陽張學士兄

東津綠水南山色夢寐襄陽二十年

予昔遊漢上嘗愛其山川迨今十六七年矣

顧我白憂今白首羨君千騎若登仙花開漢女游堤上人看仙翁擁道邊况有玉鍾應不負夜槽春酒響如泉

奉答聖俞宿直見寄之作

寒夜分曹直嚴城隔幾層予慚批鳳詔

一作諾

君歎守螢

燈病骨羸漳浦官書蠹羽陵無嫌學舍冷文字比清冰

和原甫舍人閣下午寢歸有作

遙知好睡紫微郎枕簟清薰綠蕙芳五色詔成人不到

萬年風動閣生涼平時下直歸宜早陋巷相過意未忘

揚子不煩多載酒主人猶可具

一作共

黃梁

聞原甫久在病告有感

東城移疾久離居安得疑蛇意盡祛諸老何為讒賈誼
君王猶未識相如浮沈俗喜隨時能磊落材多與世疎

誰謂文章金馬客翻同憔悴楚三間

試筆

試筆消長日耽書遣百憂餘生得如此萬事復何求黃
犬可為戒白雲當自由無將一杯土欲塞九河流

齋宮感事寄原甫學士

曾向齋宮詠麥秋綠陰佳樹覆牆頭重來滿地新霜葉
却憶初聞黃栗留

戲答仲儀口號

敝居回看如蛙穴華宇來棲若鶩身

寄宿人家

敢望笙歌行

樂事只憂無米過來春

今年遠近大水稼穡何望

觀龍圖閣三聖御書應制

層構嚴清禁披圖爛寶文虹蜺光照物龍鳳勢騰雲妙
極功歸一真隨體自分孝思遵寶訓聖業廣惟勤

題東閣後集

一作題營
邱集後

東閣三朝多大事營丘二載足

三字一作兩郡半

間辭近詩留

作歸榮集何日歸田自集詩

日長偶書

日長漸覺逍遙樂何況終朝無事人安得遂為無事者
人間萬事不關身

寄答王仲儀太尉素

豐樂山前一醉翁餘齡有幾百憂攻平生自恃一作心是
無媿直道誠知世不容換骨莫求丹九轉榮名豈在祿
千鍾明年今日如尋我潁水東西問老農

解官後答韓魏公見寄

報國勤勞已淺聞終身榮遇最無倫老為南畝一夫去

猶是東宮二品臣侍從籍通清切禁笑歌行作太平民

欲知念舊君恩厚二者難兼始兩人

新制推恩致仕許
依舊兼職自王仲

儀始今某
仍出特恩

余昔留守南都得與杜祁公唱和詩有答公見贈

二十韻之卒章云報國如乘願歸耕寧買田期無

辱知己肯逐利名遷逮今二十有二年祁公捐館

亦十有五年矣而余始蒙恩得遂退休之請追懷

平昔不勝感涕輒為短句寘公祠堂

掩涕發陳編追思二十年門生今白首墓木已蒼烟報國如華願歸耕寧買田此言今始踐知不愧黃泉

答端明王尚書見寄兼簡景仁文裕二侍郎二首
日久都城車馬喧豈知風月屬三賢唱高誰敢投詩社
行處人爭看地仙酒面撥醅浮大白舞腰催拍趁繁絃
與公等是休官者方把鋤犁學事田

多病新還太守章歸來白首興何長琴書自是千金產

日月閒銷百刻香
尚有俸錢酤美酒
自裁花圃趨新陽
醉翁生計今如此
一笑何時共一觴

寄題景純學士藏春塢新居

清才四紀擅時名
晚卜丘林遂解纓
欲借青春藏向此
須知白首尚多情
水浮花出人間去
山近雲從席上生

漫一作謾說市朝堪大隱
仙家誰信在重城

會老堂

古來交道愧難終
此會今時豈易逢
出處三朝俱白首

凋零萬木見青松公能不遠來千里我病猶堪酬一鍾
已勝山陰空興盡且留歸駕為從容

叔平少師去後會老堂獨坐偶成

積雨荒庭徧綠苔西堂瀟灑為誰開愛酒少師花落去
彈琴道士月明來鷄啼日午衡門靜鶴唳風清晝夢回
野老但欣南畝伴豈知一作峯高名籍在蓬萊

退居述懷寄北京韓侍中二首

悠悠身世比浮雲白首歸來頽水漬曾看元臣調鼎鼐

却尋田叟問耕耘一生勤苦書千卷萬事消磨酒百分
放浪豈無方外士尚思親友念離羣

青殿宮臣寵並叨不同憔悴返漁樵無窮興味間中得
強半光陰醉裏銷靜愛竹時來野寺獨尋春偶過溪橋
猶須五物稱居士不及顏回飲一瓢

贈潘道士

門無車轍紫苔侵雞犬蕭條陋巷深寄語彈琴潘道士
雨中尋得越江吟

答樞密吳給事見寄

老得閒來興味長
問將何事送餘光
春寒擁被三竿日
宴坐忘言一炷香
報國愧無功尺寸
歸田仍值歲豐穰
樞庭任重才餘暇
猶有新篇寄草堂

答判班孫待制見寄

三朝竊寵幸逢辰
晚節恩深許乞身
無用物中仍老病
太平時得作閒人
鳴琴酌酒留嘉客
引水栽花過一春
惟恨江淹才已盡
難酬開府句清新

初夏西湖

積雨新晴漲碧溪
偶尋行處獨依依
綠陰黃鳥春歸後
紅鶯青苔人跡稀
萍匝汀洲魚自躍
日長欄檻燕交飛
林僧不用相迎送
吾欲臺頭坐釣磯

寄河陽王宣徽

誰謂蕭條潁水邊
能令嘉客少留連
肥魚美酒偏宜老
明月清風不用錢
况值湖園方首夏
正當櫻筍似三川
自知不及南都會
勉強猶須詫短篇

寄韓子華

并序

余與韓子華長文禹玉同直玉堂嘗約五十八歲致仕
子華書於柱上其後荐蒙恩寵世故多囏歷仕三朝備
位二府已過限七年方能乞身歸老俗諺云也賣弄得
過裏

人事從來無處定世塗多故踐言難誰如頽水閒居士
十項西湖一釣竿

戲劉原甫

見蔡條西清詩話
已下續添

平生志業有誰先落筆文章海內傳昨日都城應紙貴
開簾却扇見新篇

仙家千載一何長浮世空驚日月忙洞裏新花莫相笑

劉郎今是老劉郎

和子履遊泗上雍家園

子履姓陳

長橋南走羣山間中有雍子之名園蒼雲蔽天竹色淨
暖日撲地花氣繁飛泉來從遠嶺背林下曲折寒波翻
珍禽不可見毛羽數聲清絕如哀彈我來據石弄琴瑟

惟恐日暮登歸軒。塵紛解剥耳目異。祇疑夢入神仙村。
知君襟尚我同好。作詩閑放莫可攀。高篇絕景兩不及。
久之想像空冥煩。

右雍家園詩吉綿閨本皆入公外集而王荊公四家
詩選亦有之今乃載蘇子美滄浪集後人安得不疑
或謂公親作滄浪集序不應誤雜已詩可以無疑姑
附見於此按王荊公取公詩凡一百二十五首內一
百三首載居士集二十一首載外集又一篇即此詩

其它或全改一聯或增減一聯甚者至增四聯或移
兩聯之類已注一作於逐篇豈當時傳本不同抑荆
公自家潤色也

文忠集卷五十七

謹案卷五十五第九頁後八行夢草西堂射圃連

刊本連訛蓮據別本改

金匱正經全書

總校官庶士臣張能照
校對官中書臣孫希旦
謄錄監生臣何瑞

欽定四庫全書叢要

集部

文忠集卷五十九

詳校官助教臣常循



文忠集卷五十八

宋歐陽修撰

外集第八

古賦雜文五首附

紅鸚鵡賦

并序



聖俞作紅鸚鵡賦以謂禽鳥之性宜適於山林今茲鸚
徒事言語文章以招累見囚樊中曾烏鳶雞雛之不若
也謝公學士復多鸚之才故能去昆夷之賤有金闈玉

堂之安飲泉啄實自足為樂作賦以反之夫適物理窮天真則聖俞之說勝負才賢一作賢才以取貴於世而能自將所適皆安不知籠檻之於山林則謝公之說勝某始

得二賦讀之釋然知世之賢愚出處各有理也然猶疑

夫茲禽之腹一作賦中或有未盡者因拾二賦之餘棄也

以代鶻畢其說

后皇之載兮殊方異類肖翹蠹息兮厥生咸遂鎔埏賦予兮有物司之泊然後化兮默運其機陶形播氣兮小

大取足紛不可狀兮千名萬族異物珍怪兮託產遐陬
來海裔兮貴中州邈丹山於荒極越鳳皇之所宅稟南
方之正氣孕赤精於火德蓋以氣而召類兮故感生而
同域播為我形特殊其質不綠以文而丹其色物既賤
多而貴少兮世亦安常而駭異豈負美以有求兮適遭
時之我貴客方黜我以文采弔我於籠樊謂夫飛鳴而
飲啄不若雞鶩與烏鳩噫不知物有貴賤殊乎所得工
一作天初造我甚難而嗇千毛億羽曾無其一忽然成形

可異而珍慧言美質俾貴於人龍軒寶翫翔集安馴彼
衆禽之擾擾兮蓋迹殊而趣平既心昏而質陋兮乃自
穢而安卑樂以鐘鼓宜其眩悲蓋貴我之異稟何槩我
於羣飛若夫生以才夭養以性違客之所悼我亦悼之
我視乎世猶有甚兮郊犧牢豕龜文象齒蚌蛤之胎犧
牛之尾既殘厥形又奪其生是猶天為非以自營人又
不然謂為最靈淳和質靜本湛而寧不守爾初自為巧
智鑿竅泄和漓淳雜偽衣羔染夏強華其體鞭朴走趨

自相械繫天不汝文而自文之天不汝勞而自勞之役
聰與明反為物使用精既多速老招累侵生鑿性豈毛
之罪又聞古初人禽雜處機萌乃心物則遁去深兮則
網高兮則弋為之職誰而反予是責

述夢賦

夫君去我而何之乎時節逝兮如波昔共處兮堂上忽
獨棄兮山阿嗚呼人羨久生生不可久死其奈何死不
可復惟可以哭病予嘆使不得哭兮況欲施乎其他憤

既不得與聲而俱發兮獨飲恨而悲歌歌不成兮斷絕
淚疾下兮滂沱行求兮不可遇疑是遇字坐思兮不知處可

見惟夢兮奈寐少而寤多或十寐而一見兮又若有而
若無乍若去而若來忽若親而若疎杳兮條兮猶勝於
不見兮願此夢之須臾尺蠖憐予兮為之不動飛蠅閔
予兮為之無聲冀駐君兮可久悅予夢之先驚夢一斷
兮魂立斷空堂耿耿兮華燈世之言曰死者澌也今之
來兮是也非也又曰覺之所得者為實夢之所得者為

想苟一慰乎予心又何可一作較乎真妾綠髮兮思君而
白豐肌兮以君而瘠君之意兮不可忘何憔悴而云惜
願日之疾兮願月之遲夜長於晝兮無有四時雖音容
之遠矣於恍惚以求之

荷花賦

步蘭塘以清暑兮颯颯風以中人擗杜若之春榮兮塞
芙蓉於水濱嘉丹葩之耀質出漾水而含新蔭曲池之
清泚漾波紋之淪淪披紅衣而耀彩寄清流以一作託

根挺無華之淺艷靡競麗乎先春抱生意以自得兮及
薰時之嘉辰若夫夏一作下暎蘭哀夢池草密慘羣芳之
已銷獨斯蓮之一而迥出可以嗅清香以析醒可以玩
芳華而自逸况其晚浦煙霞水亭風日投文竿而餌垂
泳萍莖而波溢蓀紫藕以全折杯卷荷而半側墜紫葩
以欹煙飲紅芳而向夕可憐影兮相顧列金葩而返植
清風過以似起碧露合而乍失或兩兩以相扶漸亭亭
而獨出發燕脂於北土生異香於西域匪江妃之小腰

即廣陵之清一作青

骨爾乃曲沼微陽橫塘細雨逐橋上

之歸鞍笑堤邊之游女墮虹梁而窺影倚風臺而欲舞
覆翠被以薰香然犀燈而照浦雙心並根千株泣露湛
月白而風清杳池平而樹古送艇子於西洲聞棹謳於
北渚迎桃根而待櫂逢宓妃而未渡迫而視之靚若星
妃臨水而脉脉盈盈遠而望之杳如峽女行雲而朝朝
暮暮其妖麗也其間麗也香荃燒兮木蘭舟澹容與兮
悵夷猶東西隨葉隱上下逐波浮已見雙魚能比目應

笑鴛鴦會白頭昔聞妃子貴東鄰池上金花不染塵空
留此日田田葉不見當時步步人

螟蠾賦并序

詩曰螟蠾有子蜾蠃負之言非其類也及揚子法言又稱焉嗟夫螟蠟一蟲爾非有心於孝義也能以非類繼之為子羽毛形性不相異也今夫為人父母生之養育劬勞非為異類也乃有不能繼其父之業者儒家之子卒為商世家之子卒為皐隸嗚呼所謂螟蠟之不若也

作螟蠾賦詞曰

爰有桑蟲實曰螟蠾與夫蜾蠃異類殊形負以為子祝之以聲其子感之朝夕而成嗟夫人子父母所生父祝之言子莫之聽父傳之業子莫克承父沒母死身覆位傾嗚呼為人孰與蟲靈人不如蟲曷以人稱

辭

啄木辭

木皇司春兮物熙以春芽者斯匱兮甲者斯萌物賴皇

兮榮以欣覩有蟲兮甚不仁穴皇木兮羣以聚穴不已
兮又加咀皇木病兮窯將深皇心惻兮傷爾蝎彼鶩鳥
兮善啄吾利汝喙兮饑汝腹飛以鳴兮啄且食蟲不盡
兮啄莫息山之麓兮水之濱皮堅節瘦兮龍甲蛇鱗節
流膏兮吻流血百不一兮徒饑渴蠹日滋兮駕日苦京
謁皇兮披雲路雲之深兮不可見託歸風兮仰訴古初
之皇兮甚仁惠憐民愛物使雨遂穴民處兮鮮民食穴
不棟梁兮鮮不薪米其求甚少兮給之孔易野鬱鬱兮

山蒼蒼土有毛髮兮山有衣裳金不鞠治兮器不刃鎚
木至老朽兮不見苗殃聖萌機兮五財利贍有足兮生
不匱敝風避濕兮修容威廟祭室寢兮猶無異為帝何
思之不熟兮忽生般而與僊丹鬟之不已兮又以彫幾
斜鈎曲鬪兮華照欄梯高構嶮兮目精眩地禿而赭兮
山襟而寒材者傷死兮生者力殫一躬之庇兮一林夷
族寓龍木馬兮重闔陰屋皇民暴嗇兮驅之以朴噫智
巧兮誰為是既紛紛而不止工蠹則大兮蟲蠹則小捕

小縱大兮將何謂皇惜木兮雖甚恩蟲利食兮啄徒勤
蠹未入口兮刃至其根與其啄蠹能盡死不如得啄近
手使不堪於斧斤

哭女師

暮入門兮迎我笑朝出門兮牽我衣戲我懷兮走而馳
旦不覺夜兮不知四時忽然不見兮一日千思日難度
兮何長夜不寐兮何遲暮入門兮何望朝出門兮何之
況疑在兮杳難追髡兩毛兮秀雙眉不可見兮如酒醒

睡覺追惟夢醉之時八年幾日兮百歲難期於汝有頃
刻之愛兮使我有終身之悲

頌

會聖宮頌

并序

西京留守推官將仕郎試祕書省校書郎臣歐陽修謹
齋心滌慮頓首再拜言臣伏見國家采漢書原廟之制
作宮於永安以備園寢欲以盛陵邑之充奉昭祖宗之
光靈以耀示於千萬世甚盛德也修永惟古先王者將

有受命之符必先興業造功以警動覺悟於元元然後
有其位而繼體守文之君又從而顯明不大以纂修乎
舊物故其兢兢勤勤不忘前人是以根深而葉茂德厚
而流光子子孫孫承之無疆伏惟皇帝陛下以神聖至
德傳有大器乾健而正離繼而明即位以來於茲十年
勤邦儉家以修太平日朝東宮示天下孝親執籩豆三
見於郊日星軌道光明清潤河不怒溢東南而流四夷
承命歡和以賓奔走萬里顧非有干戈告謾之命文移

發名之期而犀珠象牙文馬縠玉旅於闕庭納於廡府
如司馬令無一後先至德之及上格於天下極於地中
決於人而外冒於四表昆蟲有命之物無不仰戴神威
聖功效見如此太祖創造基始克成厥家當天受命之
功太宗征服綏來遂一海內睿武英文之業真宗禮樂
文物以隆天聲升平告功之典陛下夙夜虔共嗣固鴻
業纂服守成之勤基構累積顯顯昌昌益大而光稱於
三后之意可謂至孝况春秋歲時以禘以祫則有廟祧

之嚴配天昭孝以享以告則有郊廟明堂之位篆金刻石則有史氏之官歌功之詩一作歌
詩之詠流於樂府象德之舞見乎羽毛惟是邦家之光祖宗之為有以示民而垂無窮者罔不宣著陛下承先烈昭孝思所以奉之以嚴

罔不勤備聖人之德謂無以加而猶以為未也乃復因陵園起宮室以望神游土木之功嚴而不華地爽而潔宇敞而邃神靈杳冥如來如宅合於禮經孝子聲咳思親之義愚以謂宮且成非天子自臨享則不能以來三

后之靈然郡國不見治道太僕不先整駕恬然未聞有
司之詔豈難於動民而遲其咎疑以疑耶特疑以龜筮所考

須吉而後行耶不然何獨留意於屋牆構築而至於薦
見孝享未之思耶况是宮之制夷山為平外取客土鍛
石伐木發兵胥靡調旁近郡如此數年而道路之民徒
見興為之功恐愚無以識上意是宜不惜屬車之費無
諱數日之勞沛然幸臨因展陵墓退而諭民以孝思之
誠遂見守土之臣采風俗以問高年亦堯舜之事也古

者天子之出必有采詩之官而道路童兒之言皆得以聞臣是以不勝惓惓之心謹采西人望幸意作為頌詩以獻闕下詞曰

巍巍寧宗奠京之東有山而崧淪淪道源匯流而淵有洛之川川靈山秀回環左右有高而阜其阜何名太祖太宗真宗之陵惟陵之制因山而起隱隱隆隆惟陵之氣常王而喜鬱鬱蕩蕩帝懷寧夏受命我宋造初於屯帝念先烈用顧余家宣力以勤赫赫三后重基累構既

豐而茂燕翼貽謀是惟永圖其傳在予曰祖曰宗有德
有功予實嗣之克勤克紹以孝以報予敢不思惟此園
陵先后之宅既宅且安后來游止弗宮弗室神何以驩
迺相川原乃得善地地高惟丘迺以荆灼迺訊寶龜龜
告曰猷帝命家臣而職我事而徃惟寅一毫一絲給以
縣官無取於民伐洛之薪陶洛之土瓦不病窳柯我之
斧登我之山木好且堅家臣之來役夫萬名三年有成
宮成翼翼在陵之側須后來格有門有宇有廊有廡有

庭有序殿兮耽耽黼帷襜襜天威可瞻庭兮殖殖鈞盾
虎戟容衛以飭太祖維祖太宗維弟真宗維子三聖嶷
嶷有以正位於此而會聖兮在天風馬雲車其來儼儼
聖會於此靈威神馭其宮肅然聖既降矣其誰格之惟
孝天子聖降當享其誰來薦亦孝天子孝既克祇而來
胡遲其下臣修作頌風之

贊

有宋右諫議大夫贈開府儀同三司太師中書令

兼尚書令魏國韓公國華真贊

氣剛而毅望之可畏色粹而仁近之可親有韞於中必見於外庶幾摹寫之圖繪惟其盛德不可形容公德之豐後世之隆誰為公子丞相衛公

章

州名急就章

并序

叙曰古者史掌文書以識天地四方古今事物名言字訓而教學之法始於童子謂之小學君子重焉急就章

者漢世有之其源蓋出於小學之流昔顏籀為史游序之詳矣余為學士兼職史官官不坐曹居多暇日每自娛於文字筆墨之間因戲集州名作急就章一篇以示兒女曹庶幾賢於博塞爾章曰

別州自禹郡於秦廢置經革難具陳皇家垂統天下定疆理萬方承政令近征遠貢各有宜或界吏治或羈縻九域披圖指可知分音比類慎訛疑文差字析極精微若夫錦居遐裔孤音無比隰集梓泗劖陘涪幽駢聲相

附可如類求則有夔綏隨果賀播滑達越和河羅連三
前叶其四謂何乃有瓜沙嘉巴鳳龍雍宋歛峽合疊淄
資思師化雅華夏審吉蔚悉永郢鼎頑不宜吃訥又如
保邵道趙耀鄆信潤晉慎凡五聲而一韻柳壽茂竇宥
秦憲充漢簡萬演海岱解蔡泰愛欽潯金深郴黔蜀濮
福睦復陸乃六律而同音七言惟一白澤號石益德壁
八音相望廣象相閭句絳獎黨宕句開萊台懷句階崖

雷梅句澧

闕

冀利句濟

薦費智

句鄭鄧定孟

句慶應靜

勝句廉潭儋南句嵐鹽甘嵒句至於許汝婺處句楚普

潞叙古句魏惠桂貴句遂貝瑞雋會句言過乎九難宣

於口於是又有岳鄂毫薄洛句莫涿朔廓拓句眉黎齊池

蘄句施伊西東溪句濛曹饒昭韶句潮遼交洮牢句右皆十

邛通龍洪蓬蒙句邕同戎忠松籠句右二連綿澶安延丹

端句宣檀驩蘭潘田巒句湖蘇舒滌廬渝瀘句梧蒲徐

廊扶儒禹句右皆十四秦邠麟汾句均陳溫春句筠辰文循

句銀雲勤岷句杭揚江黃句常漳康襄句房坊商滄句

詳昌灤長句右皆十六

并青瀛登成明

句衡彭英瓊邢沼

句

涇寧昇榮橫牕

句右二汀興營平庭澄

句十四

聯章斷句不

能遽數真定河源以諱不舉若乃物有疑似同音異字

則有陵靈原索府撫乾虔濱賓賓融容渭衛全泉繡秀易

翼渠衢歸媯龍恭汴辨涼梁祁岐鄯單宿肅磁慈濰維

峯封暨豐沂宜及儀乃一號而三之

音或不同相近者亦借以足之劍

環恩順鎮霸真雄又音文之兩同至於太平鬱林萬安

平琴武安洮陽新定建康二名雖美遠小不彰若監若

軍四十有六保定信安廣信安肅鎮戎保安岢嵐火山

順安寧化實控三邊其餘瑣瑣皆不足言

其後因檢九域圖有高富

瀧當四州偶遺不錄以文句難移不復增入也

文忠集卷五十八